

आकाशवाणी

खास-खास खबरां:-

- केन्द्र सरकार नै गोवा च अनुसूचित जनजाति समुदाय गी राजनीतिक आरक्षण देने आहले अधिनियम दी अधिसूचना जारी कीती। मुखमंत्री प्रमोद सांवत होरें गी ऐतिहासिक ते वायदे गी पूरा होना जनेहा दस्सेआ।
- लोकसभा नै भुगतान ते निपटान प्रणाली अधिनियम च संशोधन करने आहला विधेयक पारित कीता। एदे कन्नै UPI ते होर डिजिटल भुगतान पर शुल्क दी इजाजत।
- प्रधानमंत्री नरेन्द्र मोदी होरें राष्ट्रीय हथकरघा दिवस दे मौके पर नागरिकें थमां हथकरघा उत्पाद खरीदने दी अपील कीती।
- झारखंड च विद्यार्थियें दा विरोध-प्रदर्शन जारी। 19 मिम्बरे दी टीम दा गठन, राज्य सरकार कन्नै गल्लबात करने लेई कीता गेआ।
- अमरीका दे राष्ट्रपति डोनाल्ड ट्रम्प होर जन्मजात नागरिकता गी सिमित करने ते सैलसफा पर रोक लाने सरबन्धी 2 कार्यकारी हुकमे पर दस्तखत कीते न।
- ते बैडमिंटन च भारत दी तनवी शर्मा, अश्मिता चालिहा ते रक्षिता रामराज नै आसन च कोरिया मास्टर्स च महिला एक ल क्वार्टर फाइनल च अपनी थाहर बनाई।

<><><><><><>

Goa –ST Reservation

केन्द्र सरकार नै गोवा दे विधानसभा क्षेत्रें च अनुसूचित जनजातिएं दे प्रतिनिधियें दे पुर्न समायोजन अधिनियम 2025 गी लागू करने दी अधिसूचना जारी करी दिती ऐ। एदे कन्नै गोवा च अनुसूचित जनजातिएं आस्तै विधानसभा सीटें दा आरक्षण यकीनी होई गेआ ऐ।

भारत दे राजपत्र च प्रकाशित अधिसूचना मूजब एह अधिनियम कल्लै थमां प्रभावी होई गोआ ऐ जेदे च राज्य दे आदिवासी समुदायें दी लम्में चिरे थमां चली आवा रदी मंग पूरी होई ऐ ते निर्वाचन क्षेत्रें दे परतिए समायोजन ते आरक्षण दी प्रक्रिया शुरु होई गई। इस गेड़ दा सोआगत करदे होई गोवा दे मुखमंत्री डाक्टर प्रमोद सावंत होरें इसी वायदे दा पूरा होना जनेहा दस्सेआ।

<><><><><><>

Union Cabinet - GOBARadhan

केन्द्रीय मंत्रीमंडल नै 23 जहार 731 करोड़ रपे दे कुल खर्च कन्नै राष्ट्रीय जैव ऊर्जा योजना “गोबरधन” गी मंजूरी दिती ऐ। सूचना ते प्रसारण मंत्री अश्विनी वैष्णव होरें नमीं दिल्ली च आखऽआ जे एदे कन्ने डेढ़ लक्ख रोजगार दे मौके पैदा होडन। “गोबरधन” योजना भारत दी स्वच्छ ऊर्जा यात्रा च इक महत्वपूर्ण पड़ा ऐ। योजना दे तैहत मुख्य च कृषि अवशेष, पशु गोबर, गन्ना अपशिष्ट, नगर पालिका जैविक ते होर दुए जैव संसाधनं गी स्वच्छ ईंधन जैविक खाद च तब्दील करिए ग्रामीण आमदन ते राष्ट्रीय आर्थिक मूल्य च बाददे दा लक्ष्य ऐ। आर्थिक मामले दी मंत्रीमंडल समीति नै असम च राष्ट्रीय जरनैली सिड़क-15 कन्नै गुवहाटी कश बैहारा चारियाली थमां तेजपुर तगर 135 किलोमीटर थमां मते लम्मे 4 लेन आहली इस जरनैली सिड़क दे निर्माण गी बी मंजूरी दिती ऐ।

<><><><><><>

UPI Payment

लोकसभा नै भुगतान ते निपटान प्रणाली अधिनियम 2007 च संशोधन करने आहले विधेयक गी पारित करी दिता ऐ। एदे तैहत सरकार गी बैंकें ते होर दुई सेवा प्रदाताएं गी एकीकृत भुगतान इंटरफेस-UPI ते होर अधिसूचित इलेक्ट्रानिक भुगतान साधनैं राएं कीते गोदे भुगतानें पर शुल्क लाने दी इजाजत दिती गई ऐ। सरकार दा मकसद उपभोक्ताएं ते लौहके कारोबारें आस्तै डिजिटल भुगतान सेवाएं पर मामूली शुल्क लाना ऐ। कन्नै गै बैंकें, भुगतान सेवा प्रदाताएं-PSP ते डिजिटल भुगतान प्रणाली गी संचालित करने आहली भुगतान अवसंरचना फर्में आस्तै इक स्थायी राजस्व मॉडल यकीनी करना ऐ।

सदन आस्सेआ मंजूर संशोधन च उस मौजूद कनूनी प्रावधान गी हटाने दा जत्न कीता गेआ ऐ जेड़ा बैंक ते भुगतान सेवा प्रदाताएं गी अधिसूचित इलैक्ट्रानिक भुगतान माध्यमे पर बपारी छूट दर MDR वसूलने थमां रोकदा ऐ।

<><><><><><>

PM- Hadloom Day

प्रधानमंत्री नरेन्द्र मोदी होरें सारे नागरिकें थमां उत्साह ते खुशी कन्नै अज्ज “राष्ट्रीय हत्थ करघा दिवस” मनाने दा आग्रह कीता। इक वीडियो स्नेह गी सांझा करदे होई मोदी होरें आखेआ जे 7 अगस्त 1905 गी भारत दी आजादी आहली लड़ाई दे हिस्से दे तौरा पर स्वदेशी आंदोलन दी शुरुआत कीती गेई ही ते समाज दे हर वर्ग दे लोकें किट्ठे रलिए ब्रिटिश शासन खिलाफ ऐतिहासिक लड़ाई लड़ी। प्रधानमंत्री होरें इक आत्मनिर्भर मुख्य बनने आस्तै इन्हें लौहके ते आर्थिक तौर पर कमजोर बुनकर परोआरें गी सशक्त बनाने दे महत्व दा जिक्र कीता।

<><><><><><>

Handloom Day Function

12में ठाराष्ट्रीय हत्थकरघा दिवसठ दे मौके पर कपड़ा मंत्रालय अज्ज राष्ट्रीय भवन सांस्कृतिक केन्द्र च इक राष्ट्रीय कार्यक्रम दा सरिस्ता करा रदा ऐ। इस कार्यक्रम च राष्ट्रपति द्रोपदी मुरमू होर मुख्ख परौहने दे तौर पर शामिल होगन। केन्द्रीय कपड़ा मंत्री गिरिराज सिंह ते राज्यमंत्री कार्यक्रम च मौजूद रौहगन। कपड़ा मंत्रालय नै दस्सेआ ऐ जे इस कार्यक्रम दा मकसद भारत दी समृद्ध हत्थकरघा विरासत गी मनाना ते राष्ट्र दे सांस्कृतिक ते आर्थिक विकास आस्तै हत्थकरघा बुनकर समुदाय दे योगदान गी मान्यता देना ऐ।

<><><><><><>

Agni -4

भारत ने ओडीशा दे चांदीपुर च एकीकृत परीक्षण रेंज थमां दरम्यानी दूरी दी बैलिस्टिक मिसाइल अग्नि-4 दी कामयाबी कन्नै आजमाईश कीती ऐ। रक्षा मंत्रालय मूजब इस परीक्षण राहें मिसाइल दे सबनें परिचालन ते तकनीकी मापदंडें दी तस्दीक होई ऐ। एह परीक्षण सामरिक बल कमान दे झंडे हेठ कीता गेआ। मंत्रालय ने अग्गे आखेआ जे ओह सफल परीक्षण देशै दी सामरिक प्रतिरोधक समर्थ गी मजबूत करने दी दिशा च इक होर मील दा पत्थर ऐ। रक्षा मंत्री राजनाथ सिंह होरें सामरिक बल कमान ते रक्षा अनुसंधान ते विकास संगठन-DRDO गी इस सफल परीक्षण पर बधाई दिती ऐ। सोशल मीडिया पर इक पोस्ट च रक्षामंत्री होरें भलेआ अज्जै-कल्लै दियें तकनीकें कन्नै राष्ट्र दी रक्षा प्रति सरकार दे वचनबद्धता गी फही पक्का कीता ऐ।

<><><><><><>

Jharkhand Students

झारखंड च नौकरिं दी भर्ती परीक्षाएं च कथित बेजाबतगिं दे खिलाफ रांची च विरोध-प्रदर्शन लगातारी जारी ऐ। राजधानी रांची च 6 प्रदर्शनकारियें दी भूख हड़ताल जारी ऐ। छात्र नेताएं दा दावा ऐ जे उनें कल संजा तगर राज्य सरकार आसेआ गल्लबात लेई कोई साददा नैई थोआ ऐ। विरोध-प्रदर्शन दा असर झारखंड विधानसभा च बी दिक्खेआ गेआ जित्थे विपक्षी विधायकें मानसून सत्र दे पैहले दिन गै नारेबाजी कीती। मुखमंत्री हेमंत सुरेन होरें आखेआ जे सरकार आंदोलनकारियें कन्नै गल्लबात लेई तयार ऐ। एदे मगरा विरोध-प्रदर्शन करा रदे छात्रें राज्य सरकार कन्नै गल्लबात आस्तै 11 सदस्यें दा प्रतिनिधिमंडल बनाया। छात्र आंदोलन 25 जुलाई गी JPSC -J&SC दे बैनर हेठ रांची च जयपाल सिंह मुंडा स्टेडियम च शुरु होआ ते हाल च बरे च सब्बनें थमां बड़डा छात्र आंदोलन बनिए उभरेआ ऐ।

<><><><><><>

Ind. Singapore Coop

भारत ते सिंगापुर ने व्यापक रणनीतिक सांझ-भ्याली सरबन्धी रुपरेखा च दस्से गेदे 8 खेतरें तैहत दपक्खी सैहयोग दी प्रगति दी समीक्षा कीती ऐ। भारत ते सिंगापुर दे बदेशी दफतरें बश्कार सलाह-सूतर दा 9मां दौर कल नमीं दिल्ली च आयोजित कीता गेआ। भारत दे पूर्वी देशें दे प्रभारी सचिव आर. टंडन ते सिंगापुर दे बदेश मंत्रालय दे स्थायी सचिव लयूक गोह होरें इस बैठक दी सांझे तौर पर अध्यक्षता कीती। बदेश मंत्रालय ने इस ब्यान च आखेआ ऐ जे सितम्बर 2024 च प्रधानमंत्री नरेन्द्र मोदी हुंदी सिंगापुर जातरा दे दरान भारत ते सिंगापुर दे सरबन्धें दा व्यापक रणनीतिक सांझ-भ्याली दे स्तरें धोड़ी दर्जा बधाया गेआ।

<><><><><><>

PM-Israel

प्रधानमंत्री नरेन्द्र मोदी ते इज़रायल दे प्रधानमंत्री बेजामिन नेतन्याहू होरे फोन पर गल्लबात कीती। दौनें नेताएं भारत इज़रायल विशेष रणनीतिक सांझेदारी च होई दी लगातार प्रगति दी समीक्षा कीती ते दौनें मुखे दे आपसी लाह आस्तै बक्ख-बक्ख क्षेत्रें च दपक्खी सहयोग गी होर मजबूत करने दी अपनी प्रतिबद्धता दी तस्दीक कीती। दौनें नेताएं पच्छिम एशिया च हाल दे घटनाक्रमें पर बी विचार-विमर्श कीता।

<><><><><><>

Trump Orders

अमरीकी राष्ट्रपति डोनाल्ड ट्रम्प होरें जन्मजात नागरिकता गी सीमित कनरे ते जन्म सरबन्धी सैलसफा पर रोक लाने दे मकसद कन्नै दंऊ कार्यकारी हुकमें पर दस्तखत कीते न। ओवल दफतरें च बोलदे होई ट्रम्प होरें सर्वोच्च अदालत दे फैसले पर निराशा जताई। उनें आखेया जे उन्दा प्रशासन अमरीकी Immigration प्रणाली दे माड़े इस्तेमाल पर सख्त कारवाई करा रदा ऐ।

व्हाइट हाऊस मताबक इस हुक्मै च बदेशी नागरिकें दे ओकड़े बच्चें दी श्रेणिं दी पंछान कीती गई ऐ, जेहड़े सुप्रीम कोर्ट आसेआ मान्यता हासल ऐतिहासिक अपवादें दे तैहत जन्मजात नागरिका दे पात्र नैई होगंन, जिसले के दुए हुक्म च जन्म सरबंधी पर्यटन गी खत्म करने दे निर्देश दिते गे न।

<><><><><><>

Badminton

बैडमिंटन च भारत दी तनवी शर्मा अश्मिता ते रक्षिता आसन च कोरिया मासटर्स दे महिला एकल क्वार्टरफाइनल च अपनी थाहर बनाई लैती ऐ। तनवी नै प्री-क्वाटर फाइनल च भारत दी गै श्रीयांशी वली शेटी गी हराइए क्वाटरफाइनल च थाहर बनाई। रक्षिता नै जापान दी मनामी गी हराइए क्वार्टरफाइनल च थाहर पक्की कीती। महिला सिंगलस क्वार्टर फाइनल च शीर्ष वरीयता हासल जापान दी हिना अकेची कन्नै अश्मिता चालिटा दा मुकाबला होग। मर्दे दे डबल्स क्वार्टफाइनल च भारती जोड़ी पृथ्वी कृष्णामूर्ति राय ते कृष्णा प्रसाद गरागा सेमीफाइनल च थाहर बनाने लेई मलेशिया दी जोड़ी कन्नै खेडगंन।

<><><><><><>